

每到天時冷該下，歸屋下人會共下食火鑊，火鑊个湯係用海產熬个，火鑊料理有紅色个番茄、青色个湯匙白、黃色个包粟、白色个豆腐、咖啡色个香菇……還有一坵一坵薄薄个牛肉用滾水燻過，撈起來搵麻仔醬傍飯食，嘴項嚙等牛肉，陣陣个麻仔香就在鼻公肚旋旋轉，食了還會熱嘴，正經係人生个一大享受啊！

佢撈阿姐負責同食材定定仔放入鑊肚，煮熟過後撈起來放在盤仔項，大家一片食一片打嘴鼓，講等學校生趣个事情，阿爸阿姆二儕緊噓，歡喜塵天，這時佢个嘴也沒停過，一碗一碗个燒湯，分佢个身體黏時燒暖起來。

食忒火鑊，有了圓圓个肚屎，滿足个面，還有淦淦个幸福。



佢從細斯當中意貓仔，乜一直想愛畜貓仔，所以在佢四歲生日个時節，阿爸阿姆渡佢去領養一隻貓仔，因為佢个臉身有花喇花喇个條紋，已得人惜，佢就撈佢安到花花；花花還有一對又圓又大个目珠，佢當好撈佢个目珠睇到金金陪佢看電視，佢還已好咬等佢送分佢个老鼠人公仔去尋佢个朋友搞，佢最愛看佢兜咬等人公仔，走上走下搞走追仔，逐擺佢都看到哈哈大笑。

有一擺，花花為著愛提醒在大路脢搞个老弟，嗰分一台貨車砣死了，佢嗽到目汁濫泔心肝當艱苦，一想到撈佢共下搞共下看電視个情形，實在當毋盼得，

就會忍毋核緊流目汁。

佢希望花花在貓仔星球做得交到當多朋友，佢過較希望，有一日佢兜做得再過見面繼續做好朋友。





客語 中 第二名 福龜國小 江鈞安

鹿港尋寶當生趣

這擺學校个校外教學係去鹿港，先生講俚就單淨去鹿港个九曲巷搞園人尋還有尋寶物，聽起來當好搞呢！

來到九曲巷，聽細阿姐講「藍色大樹」个故事，藍色大樹个樹極佔等所有人个屋，佢摺大野獸定仔食貳鹿港个舊屋。細阿姐摺佢兜講，來到鹿港个事頭，就係愛尋著大野獸圓身項个銀角仔，摺所有个銀角仔總尋著，就做得打開寶藏箱了。

就恁樣佢兜開始搞刺激个尋寶遊戲，愛尋著大野獸圓身項个十隻銀角仔，大家都當有信心，毋過時間過貳盡久，淨尋著兩隻定定，大家開始緊張了，大家還係無失志更加共心、合作，盡尾還係打開了寶藏箱；寶藏箱底肚，放有佢好食个巧克力摺牛舌餅，大家得著用汗水尋著个寶藏非常个歡喜，也感覺當生趣又有意義！



山林肚个音樂會

山林肚，風溜溜仔吹過，樹葉仔慢慢仔跌下，音樂聲輕輕仔響起，一場細型个音樂會愛開始，大家準備好愛來欣賞表演哩！

今晡日，佢撈阿恩哥哥共下用大提琴演奏巴赫个《無伴奏大提琴組曲》。山林肚个小動物，也共下來唱和。企在樹樑頂个鳥仔，用好聽个歌聲來打招呼；圍在樹葉仔下个蟬仔，用高亢个叫聲來伴奏；天頂飛个鷄婆，也興嘟嘟仔來鬥鬧熱！

這首樂曲起頭時，大提琴个聲音又低又沉，就像落覺前阿爸講古个聲音，實在好聽！後來，聲音又高又亮，就像分阿姆插等，當燒暖！佢撈阿哥目眨眨仔緊演奏緊感受音樂个美好。



做 伴

鬧鐘仔響了，佢還在个忍床，
係你用溫柔个聲喊醒佢，
食飯桌項蓬白个饅頭，
係你親手為佢做个，
又軟又韌，越嚙越香，佢當好食。
無閒農事時，你先放忒事頭，送佢去上課，
有你做伴，當好！
佢毋曉綁鞋帶仔，你會教佢綁，
綁一隻緹緹靚靚个大揚蝶仔个結；
佢毋曉騎自行車，係你細心細義攞佢扳等，
分佢安心來箭毋驚跌。
有你做伴，當好！
寫作業个時，你總係坐在吾脣項，
在佢堵著問題，你會耐心指教佢，
再辛苦乜無喊憐，
佢愛攞你講：「感謝阿姆，你辛苦了。」
有你做伴，當好！



𠵿屋下个火燄蟲

最近在轉屋下个路項，𠵿發現有火燄蟲在草仔項飛來飛去，像係攞等燈籠个
小天使，照光𠵿轉屋个路。

阿公講：「在大家煞猛維持環境下，戴个環境變到當淨俐，故所火燄蟲又過轉
來咧！」

𠵿希望逐日轉屋个路項，都有火燄蟲攞等 燈籠陪𠵿轉屋。故所𠵿愛分家鄉个
環境永久保持淨淨俐俐，分每隻火燄蟲都做得在這位永久快樂生活落去。

